



NOGOMETNI KLUB
ČELIK ZENICA

A: Bulevar Kulina bana bb, 72000 Zenica
T/F: +387 (0)32 978-555
W: www.nkcelik.ba
E: info@nkcelik.ba
ID broj: 4218244880002
PDV broj: 218244880002



Broj protokola: I- 399/21

Zenica, 24.11.2021.g.

NOGOMETNI SAVEZ ZENIČKO-DOBOJSKOG KANTONA

DISCIPLINSKOM SUDIJI

KOMESARU ZA TAKMIČENJE

Zukići br. 22

72 000 Zenica

PREDMET: Zahtjev - očitovanje na akt 03-2499/21 od 22.11.2021.g. uz očitovanje na Odluku Komesara na takmičenje broj: 04-2399/21 od 22.11.2021.g.

Poštovani,

Dana 23.11.2021. godine zaprimili smo dva akta od strane NS ZDK, i to Zahtjev disciplinskog sudije za očitovanjem Kluba povodom prekinute utakmice XIV kola Druge lige „Centar“, te Odluku komesara za takmičenje broj: 04-2399/21 o sankcijama povodom iste utakmice.

U pogledu Zahtjeva za očitovanje br. 03-2499/21 od 22.11.2021.g. , te navoda iz istog u pogledu delegatskog izvještaja, zahtjevamo dostavu kompletne dokumentacije, kako delegatskog izvještaja tako i dopunskog izvještaja delegata, obzirom da se delagat poziva direktno na njega sa navodima da je incident detaljnije opisan u dopunskom izvještaju delegata. Navodi da je cca. 15 gledalaca ušlo u teren su neistiniti, a sporne su i konstatacije da je glavni sudija primio udarac.

Stim u vezi zahtjevamo i medicinsku dokumentaciju kojom se dokazuje momenat povređivanja, posebno u pogledu navodne povrede glavnog sudije Kenana Bekrića.

Zahtjevamo dostavljanje podatka i o zvaničnoj ocjeni kontrolora suđenja- delegata koju je dao sudisjkoj trojci povodom iste utakmice, uz očitovanje Prolić Salema koji je prisustvovao spornoj utakmici kao kontrolor suđenja. Molimo da se imenovani očituje u pogledu kvalitete suđenja, te da da svoje mišljenje.

Sve prednje zahtjevamo shodno čl. 111. i 112 Disciplinskog pravilnika NS FBiH, kako bi se utvrdila materijalna istina jer sa sigurnošću tvrdimo da postoji nesaglasnost između stvarnog stanja i podataka navedenih u službenim zapisnicima i izvještajima.



NOGOMETNI KLUB
ČELIK ZENICA

A: Bulevar Kulina bana bb, 72000 Zenica
T/F: +387 (0)32 978-555
W: www.nkcelik.ba
E: info@nkcelik.ba
ID broj: 4218244880002
PDV broj: 218244880002



U pogledu akta komesara za takmičenje-Odluke broj: 04-239/21 od 22.11.2021.g. u čijem obrazloženju se ponovno ističu navodi iz spornog delegatskog izvještaja, te kojim se odlučuje da se utakmica NK „Čelik“ Zenica- NK „Bosna“Visoko registruje sa službenim rezultatom 0: 3 (par forte) u korist NK „Bosna“, da se A teren stadiona Kamberovića polje suspenduje za domaće utakmice, te da će se zbog slabe organizacije utakmice pokrenuti disciplinski postupak, postavljamo pitanje: „ Po kojim ovlastima komesar za takmičenje donosi Odluku o bilo kakvim suspenzijama, posebno u pogledu odluke o službenom rezultatu prije no što je dobio očitovanje NK „Čelik“ Zenica i prije no što je proveden postupak disciplinskog organa?“

Član 61. stav 1. Pravilnika o takmičenjima NS/FS BiH regulise da će utakmica biti registrovana službenim rezultatom par-forte ukoliko se utvri da JE ZA PREKID ODGOVORAN JEDAN OD UČESNIKA, dok stav 2. istog člana jasno propisuje da će se utakmica ponovno odigrati ili registrovati postignutim rezultatom ako nadležni takmičarski organ utvrdi da za prekid igre nije odgovoran nijedan od klubova učesnika, odnosno da su za prekid odgovorni podjednako oba kluba, i da je organizator utakmice preduzeo sve mjere predviđene odlukom nadležnog takmičarskog organa o organizaciji i osiguranju reda na utakmicama određenog stepena takmičenja.

NK „Čelik“ Zenica je poduzeo sve potrebne mjere u pogledu organizacije shodno pravilima nogometnih saveza, te Propozicijama takmičenja, a što je usmeno rekao i sam delegat suđenja nakon prekida, da bi kasnije promijenio svoj stav u pismenom izvještaju. Stoga, i u pogledu ove Odluke želimo na uvid kompletnu službenu dokumentaciju, a u skladu sa članom 112. stav 3. Disciplinskog pravilnika zahtjevamo i prisustvo na sjednici disciplinskog organa.

NK „Čelik“ Zenica odgovorno tvrdi da je prekid utakmice isključivo posljedica postupaka sudija, koji nisu u skladu sa fer play načelom, te molimo da nam traženu dokumentaciju dostavite što hitnije kako bi smo dali potpuno očitovanje na Zahtjev za očitovanjem disciplinskog sudije, a ujedno molimo i da se ukine Odluka komesara za takmičenje i pogledu stava I iste (registrovanje službenim rezultatom) do okončanja disciplinskog postupka zbog pogrešno i nepotpuno utvrđenog činjeničnog stanja.

S poštovanjem.

Nogometni klub „Čelik“ Zenica
Generalni sekretar
Dalila Berberović

